

MAI  
Academy

# حِكْمُ الْأَجْدَادِ بِلِسَانِ الْأَحْفَادِ

بقولك مع ستو مريم  
مريم توركان



# حِكْم الأجداد بلسان الأحفاد

مریم توركان

كتاب: حكم الأجداد بلسان الأحفاد "بقولك مع ستو مريم"

تأليف وسرد: مريم توركان (ستو مريم)

فريق العمل والإخراج الفني:

تمت مراجعة وإخراج هذا العمل بواسطة فريق MT

:Academy Freelancer

التدقيق اللغوي والنحوي: قسم اللغة العربية بـ MT  
.Academy

التصميم الجرافيكي والغلاف: وحدة التصميم بـ MT  
.Academy

التنسيق الداخلي (MT Academy Support Typist):

حقوق النشر: جميع الحقوق محفوظة للكاتبة ولـ MT

.Academy © 2026

"أصل الحكاية تاريخ.. وفنّها تدقيق"

للتواصل مع فريق العمل أو طلب خدماتنا:

عبر التليجرام: MT\_Academy\_Support@

قناة الواتس اب الرسـمـية:

<https://whatsapp.com/channel/0029VbCG>

93p8F2pEmb0hOV0

خُطوة في السرداب، تفتح ألف باب..  
وتعرف حكاوي الأجداد، من غير  
تعب ولا عذاب.. بين الماضي  
والحاضر باب.. مِفْتاحه معانا جوا  
السرداب..

## المقدمة

يا أهلاً بيكم، منورين السرداب!

بقولك

إحنا طول عمرنا بنسمع "قالوا في الأمثال"  
و"قالوا زمان" .. بس سألتكم نفسكم مين  
"زمان" ده؟ "زمان" ده هما جدودنا اللي  
مكشوش بيبيوا الهفوة، وكانوا فاهمين  
الدنيا صح الصح.

في الكتاب ده، أنا مش جايبه لكم كلام  
أكاديمي ممل .. أنا جايبه لكم "دستور  
الستر".

الحكمة اللي تخليك "بروفيسور" في تعاملك  
مع الناس، ومع فلوسك، ومع نفسك.

هتعرفوا إن "بتساح حتب" و"آني"  
و"أمينيموبي" مكشوش بس بيكتبوا  
هيروغليفيه، دول كانوا بيكتبوا "روشته"

للعيشة الهنية اللي تخايك تمشي وسط  
الناس وراسك في السما.

أنا أخذت الحكم الأصلية اللي مكتوبة في  
البرديات، وفككتها لكم بأسلوب ستو مريم  
المُميّز. استعدوا، علشان اللي هتقرأوه هنا  
هيفير تفكيركم 180 درجة.. ويلا بينا ندخل  
السر داب!

ستو مريم

## التعريف بالحُكماء

قبل أي حاجة تعالوا نتعرف على الحُكماء  
اللي أخذت حكمهم وسرديتها لكم في الكتاب  
دا.. يلا بينا نتعرف عليهم.

بتاح حطب (الوزير الحكيم): ده نقدر نقول  
عليه "عميد الحكمة".

كان وزير في الأسرة الخامسة وساب  
نصايح لابنه تعتبر أقدم كتاب "تتمية  
بشرية" في التاريخ، كلامه كله عن الرزانة  
وإتيكيت التعامل مع الناس.

آني (الكاتب الأمين): كاتب في الدولة  
الحديثة، كلامه "مودرن" شوية وقريب من  
تفاصيل البيت والأسرة وبر الوالدين.. هو  
اللي قال لنا إن البيت اللي فيه ضحكة، ربنا  
بيزيده.

أمينموي (حكيم الرزق): فيلسوف مصري  
ركز جدًا على الأمانة المالية والقناعة،  
وكلامه في "الأمثال" كان ملهم لدرجة إن  
شعوب تانية نقلت منه.

ستو مريم

## الإهداء

الإهداء (من قلب الحفيدة لأجدادها)

الإهداء ده لأصحابه الأصليين..

لأجدادي اللي سابوا لنا "كتالوج" للحياة  
قبل ما العالم يعرف يعني إيه مدرسة.

أنتم مكنتوش مجرد تماثيل في معابد، أنتم  
كنتم روح، وعقل، وحكمة لسه بتجري في  
دمننا.

الإهداء ده ليكم يا حراس السرداب.. شكرًا  
إنكم علمتوننا إن الكلمة أمانة، وإن الهيبة  
في الأدب، وإن الستر بيحي من لقمة حلال.

الكتاب ده "تحية حب" من حفيدة فخورة  
بجنورها، وبتحاول ترجع كلامكم لبيوتنا من  
تاني بضحكة صافية.

مريم توركان

## الفصل الأول

حكمة "بتاح حتب" (عن الاستماع):

"إذا كنت رجل ثقة، يجلس في مجلس سيده، فاجعل كل طاقتك في الاستماع.. إن الصمت أثن من أي بضاعة، والرجل الذي يستمع بقلبه هو الذي يمتلك الحكمة".

الحكمة بلسان ستو مريم:

بقولك

لو كنت راجل مالي مركزك، وقاعد في مجلس ناس أكابر وليهم كلمة.. اوعى تفرط في الكلام.

خلي كل مجهودك وشطارتك في إنك تسمع وتفهم وبس.

خدها مني حكمة: السكوت ده بضاعة غالية أغلى من أي تجارة، والراجل اللي بيسمع

بقلبه قبل ودانه، هو ده اللي الحكمة سكنت  
داره.

## الفصل الثاني

حكمة "بتاح حتب" (عن التواضع):

"لا يملأ التكبر قلبك بسبب علمك، واستشر  
الجاهل كما تستشير العالم، فليس للحكمة  
حدود، ولا يوجد فنان وصل للكمال في  
صنعتة".

الحكمة بلسان ستو مريم:

بقولك

اوعى في يوم تخلي "الأنا" تكبر جواك  
وتقول أنا علامة ومحدث قدي.. خليك دائماً  
"ابن أصول" واسمع من الجاهل زي ما  
بتسمع من العالم، لأن الحكمة دي بحر  
ملوش آخر ومحدث قدر يوصل لشطه.

خدها كلمة من قلب "بتاح حتب": مفيش  
"صنايعي" ولا "فنان" في الدنيا دي وصل

لقمة الكمال في شطارته.. دائماً فيه جيد،  
ودائماً فيه اللي أخطر منك ومني.

## الفصل الثالث

حكمة "آني" (عن النجاح والجدور):

"إذا أصبحت عظيمًا بعد أن كنت صغيرًا،  
وأصبحت غنيًا بعد أن كنت فقيرًا في  
مدينتك، فلا تنسَ ما كان عليه حالك في  
السابق، ولا تتباهى بثرائك، فإنه هبة من  
الإله".

الحكمة بلسان ستو مريم:

بقولك

لو الدنيا ضحكت لك وبقي ليك "شان  
عظيم" بعد ما كنت لسه بتبدأ صغير، وربنا  
فتحها عليك وبقيت "صاحب مال" بعد ما  
كنت على قد حالك في وسط ناسك.. اوعى  
في يوم "تنسى كنت فين".

إياك تتمنظر بقروشك وتنسى إن دوام الحال  
من المحال، افكر دايماً إن رزقك ده "كرم"

من ربنا، والجدع هو اللي يفضل "شبعان  
من بيت أبوه" مهما عليت بيه السلام.

## الفصل الرابع

حكمة "أمينموبي" (عن العدل):

"لا تتقل موازين العدل، ولا تغش في  
المكاييل، ولا تسرق حق الضعيف.. فإنه من  
الأفضل أن تكون فقيرًا وفي قلبك حب الإله،  
من أن تكون غنيًا وظالمًا".

الحكمة بلسان ستو مريم:

بقولك

اوعى في يوم "تلاعب" بموازين الحق،  
ولا تغش في كيلك علشان قرش زيادة..  
وإياك تيجي على "حق الضعيف" اللي  
ملوش ظهر.

خدها مني نصيحة ميزانها ذهب: إنك تعيش  
مستور وفقير بس قلبك مليان بحب ربنا  
ورضاه، أحسن ألف مرة من إنك تكون غني

وقصرک عالی بس مبني علی وجع وظلم  
الناس.

## الفصل الخامس

حكمة "آني" (عن الكلمة الطيبة):

"اجعل وجهك بشوشًا دائمًا، والكلمة الطيبة هي القربان الذي يتقبله الإله.. فالرجل الذي يبتسم في وجه الناس، تبتسم له الحياة".

الحكمة بلسان ستو مريم:

بقولك

خَلِّي وشك دايماً منور بضحكة صافية،  
وافتكر إن "الكلمة الحلوة" هي أحلى هدية  
وقربان تتقرب بيه لربنا.. خدها مني حكمة:  
اللي بيقابل الناس بضحكة ورضا، الدنيا  
بتضحك له وبتفتح له أبوابها المقفولة.

## الفصل السادس

حكمة "آني" (عن الخصوصية):

"لا تدخل بيت غريب قبل أن يأذن لك صاحبه، ولا تتلصص بعينك على ما بداخل البيوت، فإنَّ عين المتلصص مكروهة عند الجدود".

الحكمة بلسان ستو مريم:

بقولك

اوعى تعيب بيت غريب من غير ما صاحب البيت يأذن لك ويقولك "اتفضل" .. وإياك تسرق بنظرتك اللي جوه بيوت الناس، لأن "العين اللي بتتلصص" دي عين مكروهة وملهاش هيبة عند الأصول والجدود.

خآيك دايماً عزيز النفس، وعينك شبعانة، ومتحاولش تطلع على أسرار غيرك.

## الفصل السابع

حكمة "بتاح حتب" (عن القيادة):

"إذا كنت قائدًا لمجموعة، فاجعل هدفك هو  
الخير، حتى يكون اسمك خالدًا بالعدل  
والمحبة، وليس بالخوف والبطش".

الحكمة بلسان ستو مريم:

بقولك

لو كنت قائد لمجموعة، افكر دائمًا إن  
الإنسان سيرة، انوي الخير واعمل الخير،  
عشان لما تمشي تسبب ذكرى حسنة للي  
بعداك يفتكروك بيها.. وما تنساش الظلم  
ظلمات والظالم مكروه مهما خوّف الناس  
منه.

## الفصل الثامن

حكمة "بتاح حتب" (عن الغضب):

"إذا واجهت رجلاً غاضباً يتكلم بحدة، فاصمت.. فإن صمتك هو السلاح الذي يكسر غضبه، ويجعله يبدو أحمق أمام نفسه وأمام الناس".

الحكمة بلسان ستو مريم:

بقولك

لما يحصل خلاف بينك وبين حد وتلاقيه غضبان وعصبي، اسكت خالص لو باقي عليه، وقتها غضبه بيسكن وعصبيته بتهدأ لوحدها، بالطريقة دي أنت بتحطه في مواجهة قدام نفسه وبتعرفه غاطه.. وما تتساش هو يشد أنت ترخي والعكس، علشان مركب الحياة تكمل طريقها.

## الفصل التاسع

حكمة "آني" (عن العمل):

"لا تكن كسولاً، واجتهد في عملك كل يوم، فالرجل الذي يحب عمله يجد البركة في بيته، والكسل هو عدو الروح".

الحكمة بلسان ستو مريم:

بقولك

إيّاك والكسل، الكسل ما بيغيث من وراه  
غير الفشل، اجتهد في شغلك، واخلص في  
عملك؛ علشان البركة تحل على بيتك، وما  
تنساش إن الكسل عدو الروح.

## الفصل العاشر

حكمة "بتاح حتب" (عن الأمانة):

"لا تخن أمانة مَنْ وثق بك، والسر الذي يودع في قلبك يجب أن يظل هناك كأنَّهُ في بئر عميق، فإنَّ الخائن لا يجد له مكاناً في حقول "يارو".

الحكمة بلسان ستو مريم:

بقولك

لما تكون موضع ثقة بالنسبة لحد، جاهد  
علشان تفضل عند حُسن ظنِّه، وإيّاك  
والخيانة، السر اللي يقولهولك واجب عليك  
تخبيه في قلبك كأنه في بئر مالوش قرار..  
وما تتساش الخاين مالوش مكان في جنة  
النعيم.

## الفصل الحادي عشر

حكمة "بتاح حتب" (عن الكلام الموزون):

"إذا كنت رجلاً يجلس في مجلس، فاجعل كلامك محدوداً، وتكلم فقط حين تعرف أنّ لديك حلاً.. إنّ الرجل الذي يتكلم بغير علم كمن يرمي الحجارة في الظلام".

الحكمة بلسان ستو مريم:

بقولك

لما تقعد في مجلس يا واد عمي، بلاش يكون كلامك عام، خّلي كلامك محدد، واتكلم لما يكون عندك حل، ابعده عن الفتى بغير علم، علشان اللي بيتكلم من غير علم وحساب زي اللي بيرمي الحجارة في الظلام.

## الفصل الثاني عشر

حكمة "آني" (عن الوفاء للأم):

"ضاعف الخبز الذي تعطيه لأمك، واحملها  
كما حملتك.. فقد وضعتك وربتك ولم تشتك،  
فإذا نسيت فضلها، فسوف يرفع الإله يده  
عنك".

الحكمة بلسان ستو مريم:

بقولك

لما تيجي تقدم لمامتك حاجة، اقدم لها أفضل  
حاجة تقدر تجيبها، لو هتديها رغيف خليه  
اتنين، وبرها وشيلها فوق راسك، علشان  
هي حملتك في بطنها وسهرت على تربيتك،  
وما اشتكتش لحد من تعبها.

وحذاري تنسى فضلها، علشان لو نسيت  
فضلها هتتحرم من البركة اللي بتحاوطك  
بسببها.

## الفصل الثالث عشر

حكمة "بتاح حتب" (عن ضبط النفس):

"إذا كنت في ضيافة رجل عظيم، فخذ ما يقدمه لك كما هو، ولا تنتظر إليه نظرات فاحصة، ولا تتكلم إلا إذا سألك.. فَإِنَّهُ أَدْرَى بما يقدم".

الحكمة بلسان ستو مريم:

بقولك

لما تكون ضيف يا واد عمي، بلاش ترفع عينك بزيادة لواجب الضيافة، ارضى باللي اتقدم لك واشكر اللي ضايفك، وخليك رزين وكلامك موزون، وترد لو اتسألت.

## الفصل الرابع عشر

حكمة "أمينموبي" (عن الرزق والقناعة):

"لا تسهر الليل وأنت قلق بشأن الغد،  
فالفجر يأتي برزقه.. إنَّ يد الإله هي التي  
تسير السفن، فثق في تدبيره".

الحكمة بلسان ستو مريم:

بقولك

ريح بالك يا واد عمي وطمّن قلبك، ربك  
اللي بيسير السفن قادر ييسر لك الأمور، ما  
تشيلش هم يوم لساه ما جاش.. عيش يومك  
بيومك، وكن على يقين بأنّ من كان رزقه  
على الله فلا يحزن.

## الفصل الخامس عشر

حكمة "بتاح حتب" (عن العدل مع  
المرووسين):

"إذا كنت مسؤولاً عن ناس، فاستمع  
لمطالبهم حتى النهاية قبل أن تحكم.. إنَّ  
الشخص الذي يشتكي إليك لا يريد دائماً  
حلاً، بل يريد قلباً يسمعه".

الحكمة بلسان ستو مريم:

بقولك

لما تكون مسؤول عن ناس، استمع لِيهم  
بتأني، ولما يجيلك حد يشتكي لك اسمعه  
بقلبك وركز معاه، لأنه بيكون محتاج حد  
يسمعه أكثر ما هو محتاج حل.

## الفصل السادس عشر

حكمة "آني" (عن تجنب النميمة):

"لا تكرر الكلام الذي تسمعه في الطرقات،  
ولا تنقله من بيت لبيت.. إِنَّ الرجل الذي  
ينقل الكلام كمن يشعل نارًا في حصاد  
جاره".

الحكمة بلسان ستو مريم:

بقولك

لما تسمع كلام من حد ادفنه بقلبك وانساه،  
خآيك شريف وابعد عن نقل الكلام، علشان  
اللي بينقل الكلام بيكون خراب بيوت، نقل  
الكلام نار بلاش تكون أنت طريق للنار دا  
علشان هتحرقك.

## الفصل السابع عشر

حكمة "بتاح حتب" (عن الزوجة والبيت):

"أحب زوجتك في بيتها، املاً بطنها واكسُ  
ظهرها، فالمرأة حقل مثمر لصاحبه.. ولا  
تكن قاسياً عليها، فاللين يملك قلبها أكثر من  
العنف".

الحكمة بلسان ستو مريم:

بقولك

خَلّي قلبك حنين على أهل بيتك يا واد عمي،  
زوجتك هي وردتك، اسقيها حلو الكلام،  
امدحها، ابتسم لها كل ما تشوفها، ارفق  
بيها، ضاحكها ولاعبها، وما تنساش إنك  
أخذتها من أهلها، سابت حياتها ودنيتها  
ووافقت تعيش حياتك أنت ودنيتك، اكرمها  
وأحسن إليها، وتجاوز عن خطأها  
وتقصيرها.

بيقولك إن العنف ما بيجيش من وراه غير  
الكره، خايتها تحبك واكسب قلبها بكلمة  
طيبة وبسمة صافية.

## الفصل الثامن عشر

حكمة "أمينموبي" (عن الصداقة):

"لا تصادق رجلاً سيئ السمعة، ولا تجعل  
لسانك يسبقه بالشر.. فإن رفيق السوء  
يسحبك إلى الهاوية دون أن تشعر".

الحكمة بلسان ستو مريم:

بقولك

الصاحب صاحب يا واد عمي، فلما تحب  
تصاحب صاحب اللي من توبك، اللي شبهك  
في أخلاقك وتربيتك، وابتعد عن أصدقاء  
السوء، واللي سُمعتهم بالشر سبقاهم.. وما  
تنساش صاحبك يا هيسحبك للخير يا هيكون  
الطريق اللي يوصلك للنار.

## الفصل التاسع عشر

حكمة "آني" (عن احترام الكبير):

"لا تجلس وأنت ترى رجلاً أكبر منك سنًا  
واقفًا، ولا تتحدث قبله في المجلس.. فإنَّ  
توقير الشيب بركة في العمر".

الحكمة بلسان ستو مريم:

بقولك

احترامك لشيبة الكبير يطرح فيك البركة،  
لما تلاقى كبير واقف في مكان أنت موجود  
فيه، قوم من مكانك وقعه، ولما تكون في  
مجلس فيه كبار بلاش تتكلم قبلهم.

## الفصل العشرون

حكمة "بتاح حتب" (عن الغرور بالثراء):

"إذا رزقك الإله ثروة، فلا تكن حريصًا عليها وحدك، بل اجعل جيرانك يأكلون منها.. فالمال يذهب والسمعة الطيبة هي التي تبقى.

الحكمة بلسان ستو مريم:

بقولك

اسمع يا واد عمي، دي الدنيا فانية والباقي لك فيها هو ذكرى، بتصنعها بيدك يا خير يا شر، كيف ما تحب تكون بتكون.

لما ربنا يوسع عليك، ما تبخلش على اللي منك، ولا تخبي خيرك عن جيرانك، وما تنساش المال بيخلص والسمعة هي اللي بتبقى.

## الفصل الحادي والعشرون

حكمة "بتاح حتب" (عن حفظ السر):

"إذا كُففت بتبليغ رسالة من رجل عظيم  
لآخر، فكن أميناً في نقلها كما قيلت تماماً..  
لا تزد عليها ولا تنقص منها بكلمة واحدة  
لترضي طرفاً، فإنَّ خيانة الكلمة تُسقط  
الهيبة".

الحكمة بلسان ستو مريم:

بقولك

لما حد يأتمنك على توصيل رسالته لحد  
تاني، خليك أمين وقد الثقة دي، وبلاش  
تزود من عندك ولا تنقص كلمة واحدة  
علشان ترضي حد على حساب التاني، وما  
تنساش خيانة الكلمة بتسقط الهيبة.

## الفصل الثاني والعشرون

حكمة "آني" (عن بر الوالدين بعد الرحيل):

"قدم القرابين لوالديك، ولا تنسَ تخليد  
أسمائهم.. فإن فعلت ذلك، سيفعل ابنك معك  
المثل حين يحين وقت رحيلك، والجزاء من  
جنس العمل".

الحكمة بلسان ستو مريم:

بقولك

بر والديك يا واد عمي علشان عيالك يكونوا  
بارين بيك فيما بعد، دا كله سلف ودين حتى  
المشي على الرجلين.

اللي هتعمله مع والديك ولادك هيعملوه  
معاك.. فاعمل الخير واللي تحبه لنفسك،  
وما تنساش الجزاء من جنس العمل.

## الفصل الثالث والعشرون

حكمة "بتاح حتب" (عن كبح الطمع):

"إذا كنت تجلس مع ناس على مائدة طعام،  
فلا تنظر بشراهة لما في أطباقهم.. إنَّ  
القناعة كنز يزين وجه صاحبه، والطمع  
يجعلك تبدو صغيرًا في أعين الجالسين".

الحكمة بلسان ستو مريم:

بقولك

لما تكون معزوم على أكل، بلاش ترفع  
عينك لأطباق غيرك من المعزومين، بص  
في طبقك وبس، وما تنساش إنَّ القناعة  
زينة والطمع بيقل منك ويُسقطك من نظر  
اللي قاعدين معاك.

## الفصل الرابع والعشرون

حكمة "أمينموبي" (عن الصدق):

"لا تجعل لسانك يقول غير ما في قلبك، ولا تمدح رجلاً وأنت تضر له السوء.. إنَّ الإله يكره القلب ذا الوجهين، والصدق هو طريق النور".

الحكمة بلسان ستو مريم:

بقولك

اللسان بطبيعته مغرفة للقلب، بتغرف بيته من قلبك وتوزعه كلام على اللي حو اليك، علشان كذا خلي قلبك طاهر ونضيف وبوجه واحد، وبلاش تمدح حد ما يستاهلش المدح، ولا تتظاهر بشيءٍ لا تشعر به، وما تتساش القلب النضيف والصدق هما طريق النور.

## الفصل الخامس والعشرون

حكمة "آني" (عن الهدوء في الجدل):

"لا ترفع صوتك في الحديث، فالصوت العالي لا يثبت الحق.. إنَّ الفلاح الذي يتحدث بهدوء يملك حكمة أكثر من الصارخ في الأسواق".

الحكمة بلسان ستو مريم:

بقولك

بلاش تعلي صوتك وأنت بتتكلم، الصوت العالي مش بيثبت الحق، بالعكس دا الفلاح اللي بيتكلم بهدوء عنده حكمة أكثر من اللي بيصرخ وكلامه كله زعيق في الأسواق.

## الفصل السادس والعشرون

حكمة "بتاح حتب" (عن اختيار الزوجة):

"إذا أردت أن تؤسس بيتًا، فاختر امرأة ذات خلق قبل الجمال.. فالجمال يذبل مع الزمن، أما الخلق فهو الذي يحفظ البيت ويحمي الأبناء".

الحكمة بلسان ستو مريم:

بقولك

لما تنوي تتجوز يا واد عمي، اختار في زوجتك المستقبلية الأخلاق قبل الجمال، علشان الجمال ليه فترة صلاحية وبينتهي، أما الأخلاق فدي اللي بتبقى وبتحفظ البيت وبتحمي العيال.

## الفصل السابع والعشرون

حكمة "أمينموبي" (عن الرزق الحلال):

"حفنة من القمح يباركها الإله، أفضل من مخازن مليئة بالحبوب المسروقة.. إن البركة تسكن في القليل الصافي، وتطير من الكثير الحرام".

الحكمة بلسان ستو مريم:

بقولك

الحرام عمره ما بيدوم، والبركة بتسكن الحلال حتى لو كان قليل، وبتتفر وتفر من الحرام ولو كان كثير، حل قرشك يا واد عمي تتول البركة، وما تنساش إن الحرام لما بيدخل بيت بيخربه، ولما يدخل على الصحة بيهدا.

## الفصل الثامن والعشرون

حكمة "آني" (عن الغدر بالصديق):

"لا تفش سرًا ائتمنك عليه صديقك، حتى لو  
أصبحتما عدوين.. إنَّ مروءة الرجل تظهر  
في حفظ العهد حتى في وقت الخلف".

الحكمة بلسان ستو مريم:

بقولك

اوعاك يا واد عمي تفضح سر صاحبك،  
حتى لو حصل ما بينكم خلاف، خليك أمين  
وقلبك نضيف، وما تنساش إن المروءة  
والرجولة بتظهر وقت الخلاف، والمعدن  
الأصيل ما بيصديش والذهب عمره ما  
يتساوى بالفلسو.

## الفصل التاسع والعشرون

حكمة "بتاح حتب" (عن التعامل مع السفهاء):

"إذا رأيت أحمق يتحدث بجهل، فابتعد عنه ولا تجادله.. فإنَّ مجادلة الأحمق تجعلك مثله في نظر المحيطين بك".

الحكمة بلسان ستو مريم:

بقولك

ابتعد عن مجادلة السفهاء تعيش مرتاح يا واد عمي، وما تنساش اللي بيجادل بجهل ما عندوش حاجة يخسرها، لكن أنت عندك قيمتك، فحافظ عليها وبلاش تخسرها وما تقلش من نفسك.

## الفصل الثلاثون

حكمة "آني" (عن فضل المعلم):

"احترم من علمك حرفاً، وقدم له التوقير  
كما تقدمه لوالدك.. فإنَّ المعلم هو الذي  
يفتح لك بوابات الحكمة ويخرجك من  
ظلمات الجهل".

الحكمة بلسان ستو مريم:

بقولك

احترم المُعلِّم ووقره، أي حدِّ يعلمك شيء  
نافع، ويدلك على طريق الخير، هو مُعلِّمك  
واحترامه واجب عليك، توقيرك للمُعلِّم يكون  
زي توقيرك لوالدك، بل أحياناً يتفوق قدر  
المُعلِّم على قدر الوالد، فالوالد مُنجب لكنَّ  
المُعلِّم أخذ بيدك وأخرجك من ظلمات الجهل  
لنور العلم.

## الفصل الحادي والثلاثون

حكمة "بتاح حتب" (عن كسب القلوب):

"إذا أردت أن تدوم صداقتك في بيت تدخله،  
سواء كأخ أو كصديق، فاحذر من التقرب  
من النساء في ذلك البيت.. إنَّ ألف رجل  
ضاعوا بسبب لحظة من اللهو تُشبه الحلم،  
وفي النهاية يحل الموت".

الحكمة بلسان ستو مريم:

بقولك

لما تدخل بيت يا واد عمي ابعده عن التعامل  
مع الحريم، واعتبرهم زي حريم أهل بيتك،  
وما تتساش إن معظم النهايات السوداوية  
بيكون سببها لحظة لهو اتقربت فيها من  
الحريم فخرت الأخوة والصداقة.

## الفصل الثاني والثلاثون

حكمة "آني" (عن بركة البيت):

"لا تكن سيدًا قاسيًا في بيتك، بل كن رفيقًا  
لزوجتك وأبنائك.. إنَّ البيت الذي يسوده  
الخوف لا تسكنه الآلهة، والبيت الذي تملأه  
الضحكات يزيد الإله من فضله".

الحكمة بلسان ستو مريم:

بقولك

خآئك حنون مع أهل بيتك يا واد عمي،  
ارفق بيهم، اضحك معاهم، اسمع منهم،  
اتكلم معاهم، شبعهم عطف وحنان، وما  
تتساش إنهم أمانة في رقبتك هتتحاسب  
عليها، وبلاش تكون مصدر خوف ليهم، كن  
ليهم مصدر فرح وأمان علشان تحل عليك  
وعليهم بركة الإله.

## الفصل الثالث والثلاثون

حكمة "أمينموبي" (عن الطمع في مال  
الغير):

"لا تضع عينك على ممتلكات جارك، ولا  
تشته ثوبه أو حذاءه.. إنَّ ما يملكه غيرك  
هو رزقه، وما تملكه أنت هو نصيبك،  
والرضا هو جنة الأرض".

الحكمة بلسان ستو مريم:

بقولك

ارضى بالي مقسوم لك تعيش سعيد، خليك  
بقلب طاهر وبلاش تبص لحاجة في إيد  
غيرك، واوعاك ترفع عينك في رزق حد،  
اللي عنده هو رزقه، واللي معاك هو  
نصيبك، والرضا هو الجنة في الأرض.

## الفصل الرابع والثلاثون

حكمة "بتاح حتب" (عن العدل في الكلام):

"إذا طُلب منك أن تحكم بين اثنين، فلا تمل لأحدهما بسبب مكانته أو ثرائه.. إنَّ الميزان لا يعرف الغني من الفقير، والعدل هو الذي يحفظ للرجل كرامته".

الحكمة بلسان ستو مريم:

بقولك

لما يتطلب منك تحكم بين اثنين، بلاش تكيل بمكيلين، ولا تيجي على حد لحساب حد معرفة أو قريب، الميزان الحق يا واد عمي ما يعرفش الغني من الفقير، والعدل هو اللي بيحفظ للراجل كرامته.

## الفصل الخامس والثلاثون

حكمة "آني" (عن الصديق وقت الضيق):

"لا تعرف صديقك الحقيقي في وقت الرخاء، بل ابحث عنه في وقت الشدة.. إنَّ الذهب يختبره النار، والصديق يختبره الزمان".

الحكمة بلسان ستو مريم:

بقولك

ما تقولش على فلان دا صاحبي غير لما تقع في شدة، علشان كل حاجة بتتكشف وقتها، الصاحب والعدو والحبيب والحقود والحاسد، الشدة بتبين كله يا واد عمي، وبتفضح اللمة الكدابة.

كبر مخك واعرف إن الشدة منحة من ربنا بيكشف لك بيها حقايق اللي حواليك، اللي تلاقيه في شدتك هو قريبك الحقيقي حتى لو

مش من دمك، واللي يتخلى عنك خسارة  
فيه قُربك ووصاك حتى لو كان من دمك..  
وما تنساش اختبار الذهب بيكون بالنار، أما  
اختبار الصديق والقريب فبيكون بالزمان.

## الفصل السادس والثلاثون

حكمة "أمينموبي" (عن اللسان السام):

"لا تجعل لسانك كالسهم المسموم يصيب  
قلوب الناس، فإنه سيعود إليك يومًا ما..  
الكلمة القاسية تكسر الروح، والكلمة الطيبة  
تشفى الجروح".

الحكمة بلسان ستو مريم:

بقولك

قبل ما تقول الكلمة فكر فيها زين يا واد  
عمي، ولو ارتضيتها لنفسك قولها ولو ما  
قبالتهاش فاقبرها بجوفك أحسن ليك  
ولغيرك.

الكلمة ممكن تداوي وتطيب وممكن تقتل،  
خليك طيب القلب واوعاك تكون سبب في  
كسر خاطر أو جرح لحد.. دا كسر الخواطر

عظيم عند ربك وجبرها عليه سبحانه  
وتعالى.

## الفصل السابع والثلاثون

حكمة "بتاح حتب" (عن الاسـتمتاع بالرزق):

"إذا كان لديك رزق واسع، فاتبع قلبك واستمتع بما لديك ما دمت حيًا. إنَّ الرجل لا يأخذ معه ذهبًا إلى القبر، والذكرى الطيبة هي التي تبقى".

الحكمة بلسان ستو مريم:

بقولك

عيش حياتك بما يُرضي الله، وأحسن إلى نفسك، واصنع ذكرى طيبة تبقى لك بعد رحيلك، دا ما حدش بياخذ معاه ذهب ولا مال والكفن مالوش جيوب.

## الفصل الثامن والثلاثون

حكمة "آني" (عن الغرور بالمنصب):

"إذا أصبحت وزيرًا أو حاكمًا، فتذكر أنك خادم للناس وللإله.. إنَّ المنصب ثوب مستعار، والعمل الصالح هو الجلد الذي لا ينخلع".

الحكمة بلسان ستو مريم:

بقولك

لما تكون في منصب عالي ومسؤول عن رعيّة، افكر إنك خادم للناس والإله.. وما تتسأش إن المنصب مجرد ثوب مستعار، والعمل الصالح هو الجلد اللي ما بيتخلعش أبدًا.

## الفصل التاسع والثلاثون

حكمة "أمينموبي" (عن الاستعجال):

"لا تتعجل في قطف الثمار قبل نضجها، ولا تستبق الأحداث.. إنَّ لكل شيء أوانًا، ومن استعجل الشيء قبل أوانه عوقب بحرمانه".

الحكمة بلسان ستو مريم:

بقولك

اصبر وبلاش تستعجل حصاد عمل لساك ما  
زرعتلوش، لكل وقت أدان، والعجلة مش  
دايمًا خير، أحيانًا بتكون سبب لعقاب  
وحرمان.

## الفصل الأربعةون

حكمة "بتاح حتب" (عن التوازن):

"لا تكن بخيلاً فتموت من الحسرة، ولا تكن مسرفاً فتموت من الفقر.. اجعل حياتك بين هذا وذاك، فالتوازن هو سر البقاء".

الحكمة بلسان ستو مريم:

بقولك

خليك متوازن في حياتك وعيشتك، بلاش تبخل علشان ما تموتش بحسرتك، ولا تبذر علشان ما تموتش من الفقر.. وما تنساش خير الأمور الوسط.

## الفصل الحادي والأربعون

حكمة "آني" (عن حسن الجوار):

"كن بارًا بجارك، ولا تكن سببًا في ضيقه..  
إنَّ الجار الصالح هو حصنك المنيع في وقت  
الشدة، والبيت الذي يكرهه جيرانه لا تسكنه  
البركة".

الحكمة بلسان ستو مريم:

بقولك:

خأيك كويس مع جارك، وبلاش تتسبب له  
في مضايقات، علشان جارك الصالح هو  
حصنك المنيع في وقت الشدة، وما تتساش  
البيت اللي بيأذي جيرانه ويكرههم البركة  
بتتفر منه وما بتدخلوش.

## الفصل الثاني والأربعون

حكمة "بتاح حتب" (عن الكلام في غيبة  
الناس):

"إذا سمعت سوءًا عن رجل، فاجعل أذنيك  
صماء، ولا تكن وعاءً ينضح بالنميمة.. إنَّ  
الكلمة التي تموت في صدرك خير من التي  
تشعل نارًا في بيت غيرك".

الحكمة بلسان ستو مريم:

بقولك:

لو سمعت كلام مش حلو عن حد، اعمل  
نفسك أخرس، أطرش، دا أفضل ليك من إنك  
تكون وعاء ناضح بالنميمة ونقل الكلام..  
وما تنساش تقبر الكلام في صدرك بدل ما  
تخرجه زي النار وتحرق بيه بيت غيرك.

## الفصل الثالث والأربعون

حكمة "أمينموبي" (عن القناعة بالرزق):

"لا تحسد من علا شأنه فجأة، ولا تنظر لما في يده.. إنَّ الريح التي ترفع الريشة عاليًا قد تهوي بها في الطين، والرزق الثابت هو الذي يأتي بالجهد والصبر".

الحكمة بلسان ستو مريم:

بقولك:

خَلّي عينك على ورقتك، ركز مع نفسك  
وبلاش تحسد حد مقامه علي فجأة، وما  
تبصش على اللي في يده، وما تتساش إن  
الريح اللي بترفع الريشة في الهوا ممكن  
عادي جدًا تخسف بيها الأرض في لحظة،  
الرزق الثابت يا واد عمي بييجي بالجهد  
والسعي والصبر.

## الفصل الرابع والأربعون

حكمة "آني" (عن تربية الأبناء):

"علم ابنك الحكمة وهو صغير، حتى يكون  
سندًا لك وأنت شيخ.. إنَّ الغرس الطيب  
يثمر طعامًا شهيا، والابن الصالح هو  
استمرار لروح والده".

الحكمة بلسان ستو مريم:

بقولك:

ابنك هو امتداد لروحك، اللي هتزرعه فيه  
النهارده هتحصده بكره، إن زرعت قسوة  
هتحصد جفاء، وإن زرعت عطف هتحصد  
حنان، ابنك مراية لعملك.. شوف عايز  
تحصد إيه لما تكبر وازرعه فيه.

## الفصل الخامس والأربعون

حكمة "بتاح حتب" (عن كتمان الغيظ):

"إذا استفزك جاهل، فابتسم له وامض في طريقك.. إنَّ الرد على السفيفه يرفع من شأنه ويقل من وقارك، والترفع هو شيمة الحكماء".

الحكمة بلسان ستو مريم:

بقولك:

لو استفزك جاهل رد عليه بابتسامة وكمل طريقك، وما تنساش الرد على السفيفه بيرقع مقامه ويقل منك، علشان كذا أحياناً بيكون عدم الرد رد.

## الفصل السادس والأربعون

حكمة "أمينموبي" (عن الوفاء بالوعد):

"لا تعد بما لا تستطيع فعله، ولا تكن كاذبًا  
في وعودك.. إنَّ كلمة الرجل هي عهده أمام  
الإله، والوعد الكاذب يقطع حبال الثقة".

الحكمة بلسان ستو مريم:

بقولك:

بلاش تواعد بحاجة أنت مش قدها، واوعاك  
تكون كذاب تواعد ولا توفي بوعدك، الكذب  
بيدوب حبال الثقة، وما تنساش إنك محاسب  
على العهد أمام الله.

## الفصل السابع والأربعون

حكمة "بتاح حتب" (عن التواضع عند النصر):

"إذا انتصرت على عدوك، فلا تشمت به ولا تذله.. إنَّ الأيام تتبدل، والشهم هو من يعفو عند المقدرة ويحفظ كرامة المهزوم".

الحكمة بلسان ستو مريم:

بقولك:

لما ربنا يمكن لك وينصرك على عدوك،  
ابعد عن الشماتة، خليك شهم واحفظ له  
كرامته، وما تنساش إنَّ الأيام دول  
والشماتة من طبع الكلاب.

## الفصل الثامن والأربعون

حكمة "آني" (عن الشكر والامتنان):

"لا تنسَ من صنع إليك معروفًا، واذكر فضله في غيبته.. إنَّ نكران الجميل هو صفة النفوس الصغيرة، والشكر يزيد النعم".

الحكمة بلسان ستو مريم:

بقولك:

اوعاك يا واد عمي تنسى حد قدم لك معروف، ولا عمل معاك جميل، اذكر فضله في غيبته، واشكره في حضوره، وما تنساش نكران الجميل ما يطلعش غير من ناقص، وبالشكر تدوم النعم.

## الفصل التاسع والأربعون

حكمة "أمينموبي" (عن الهدوء وقت العاصفة):

"إذا اشتدت الأزمات، فكن كالنخلة تنحني للريح ولا تنكسر.. إنَّ الصبر هو مفتاح كل ضيق، والهدوء يجعلك ترى الحل بوضوح".

الحكمة بلسان ستو مريم:

بقولك:

لما الأزمات تشدد، خليك زي النحلة انحني للريح بس اوعاك تنكسر يا واد عمي، الصبر مفتاح كل ضيق، والهدوء بيخليك تشوف الحل واضح زي الشمس.

## الفصل الخمسون

حكمة "بتاح حتب" (عن العدل مع النفس):

"لا تقسُ على نفسك حتى لا تمل، ولا تتركها للهوى فتضيع.. اجعل لنفسك وقتًا للعمل ووقتًا للراحة، فالميزان هو سر النجاح".

الحكمة بلسان ستو مريم:

بقولك:

بلاش تظلم نفسك، خليك لطيف معاها وارفق بيها، وكمان ما تسيبهاش لهواها علشان هتضيعك، نظم وقتك وقسمه ما بين وقت للشغل ووقت للراحة، الميزان دا هو سر النجاح.

## الفصل الحادي والخمسون

حكمة "بتاح حتب" (عن الغيرة والحسد):

"لا تحسد أحدًا على ما وهبه الإله من رزق، ولا تترك الغيرة تأكل قلبك.. إنَّ الحسود يقتل نفسه قبل أن يصيب غيره، والرضا هو شفاء الروح".

الحكمة بلسان ستو مريم:

بقولك:

خَلِّي قلبك طاهر ونضيف، عمران بالرضا، ما تحسدش حد على حاجة ربنا رزقه بيها، أنت ما تعرفش التمن اللي دفعه في المقابل، ولا نقص إليه علشان الحاجة دي تكون معاه، وما تتساش إن الحاسد قلبه زي الفحمة ومش بيكون سعيد خالص في حياته.. علشان كذا ارضى بنصيبك تعيش متهنى.

## الفصل الثاني والخمسون

حكمة "آني" (عن حفظ لسان الزوجة):

"لا تكن مراقبًا لكل فعل تفعله زوجتك في بيتها، ولا تسألها عن كل صغيرة وكبيرة.. إذا عرفت أنها شاطرة وتدبر أمرها، فاجعل قلبك يطمئن إليها".

الحكمة بلسان ستو مريم:

بقولك:

خآيك مصدر أمان لزوجتك، ارفق بيها، بلاش تراقب تصرفاتها وتعقب على كل أفعالها، اكسب ودها بالتفاهم وقلبهها بالحنان، وما تنساش طالما هي شاطرة وبتعرف تدبر أمور البيت ثق فيها وطمئن قلبك.

## الفصل الثالث والخمسون

حكمة "أمينموبي" (عن الظلم المالي):

"لا تأخذ شبرًا واحدًا من أرض جارك، ولا  
تغير معالم الحدود التي وضعها الأجداد.. إنَّ  
من يسرق الأرض، تسرق الأرض منه  
راحتة في القبر".

الحكمة بلسان ستو مريم:

بقولك:

حرّم على نفسك سرقة الأرض، ما تقبلش  
بسرقه شبر واحد ولا تغير معالم الحدود  
اللي وضعها الأجداد بين أرضك وأرض  
جارك.. وما تنساش إن اللي بيسرق  
الأرض، الأرض بتسرق راحتة في القبر.

## الفصل الرابع والخمسون

حكمة "بتاح حتب" (عن الهدوء في المجلس):

"إذا كنت تجلس بين الناس، فاجعل نظراتك للأرض ولا تلتفت يمينًا ويسارًا كأنك تبحث عن شيء.. إنَّ الوقار في النظرة يعكس ثبات الشخصية".

الحكمة بلسان ستو مريم:

بقولك:

لما تكون قاعد مع ناس، بلاش تلتفت يمين وشمال، ركز نظرك قدام أو في الأرض، وما تنساش إن الوقار في النظرة بيعكس ثبات الشخصية.

## الفصل الخامس والخمسون

حكمة "آني" (عن التعامل مع الرئيس):

"إذا كنت تعمل عند رجل عظيم، فكن ظلًا له  
في تنفيذ أوامره، ولا تسبقه بالرأي إلا إذا  
طلب منك.. إنَّ التواضع أمام القوي ذكاء،  
وليس ضعفًا".

الحكمة بلسان ستو مريم:

بقولك:

لما تشتغل مع حد كبير، خليك زي ضله في  
تنفيذ أوامره، واوعاك رأيك يسبق رأيه غير  
لو هو طلب دا منك.. وما تنساش إن  
التواضع قدام القوي ذكاء مش ضعف.

## الفصل السادس والخمسون

حكمة "أمينموبي" (عن التسرع في الرد):

"لا ترد على كلام لم تفهمه جيداً، ولا تسبق  
السائل بالإجابة.. إنَّ التروي في الفهم يقى  
من السقوط في الخطأ، والكلمة الموزونة لا  
تُرد".

الحكمة بلسان ستو مريم:

بقولك:

خلك رزين وبلاش تستعجل بالإجابة قبل ما  
يكون في سؤال، الصبر جميل، والتروي في  
الفهم بيوفر عليك الوقوع في الخطأ.

## الفصل السابع والخمسون

حكمة "بتاح حتب" (عن العدل مع الأبناء):

"إذا كان لديك أبناء، فلا تميز بين أحدهم والآخر في العطاء.. إنَّ التفرقة تزرع البغضاء في قلوب الإخوة، والعدل يبني بيتًا متماسكًا".

الحكمة بلسان ستو مريم:

بقولك:

لما ربنا يرزقك بأولاد، بلاش تميّز بينهم في العموم، حبهم كلهم واعطف عليهم، وزع قلبك عليهم كلهم، وما تنساش إن التمييز دا بيكره الإخوات في بعض، أما العدل فيبيني بيت متماسك.

## الفصل الثامن والخمسون

حكمة "آني" (عن تجنب مجالس السوء):

"لا تجلس في مكان تسمع فيه شتائم أو استهزاء بالناس.. إنَّ أذنيك أمانة، وما تدخله فيهما سيؤثر على نقاء قلبك (إيب)".

الحكمة بلسان ستو مريم:

بقولك:

ما تقعدش في مكان فيه شتم وسب واستهزاء، وما تنساش إن ودانك أمانة وأي حاجة بتسمعا بتأثر على نقاء قلبك.

## الفصل التاسع والخمسون

حكمة "أمينيموبي" (عن الصدق مع النفس):

"لا تخدع نفسك بأنك أفضل من غيرك، ولا تظن أنك وصلت للكمال.. إنَّ البحث عن العيوب في النفس هو أول طريق الحكمة".

الحكمة بلسان ستو مريم:

بقولك:

ما تخذعش نفسك وتفكر نفسك إنك كامل،  
دور على عيوبك وصلحها، وغير من نفسك  
للأحسن.. وما تنساش مفيش حد كامل ولا  
حتى الحاج كامل.

## الفصل الستون

حكمة "بتاح حتب" (عن كتمان السر المهني):

"إذا أوتمنت على سر من أسرار العمل، فاجعله في قلبك كأنه مدفون في رمال الصحراء.. إنَّ الأمانة المهنية هي التي تصنع الأستاذ الحقيقي".

الحكمة بلسان ستو مريم:

بقولك:

خايبك أمين على أسرار شغلك، وما تتساش إن الأمانة المهنية هي اللي بتصنع منك شخص ناجح حقيقي.

## الفصل الحادي والستون

حكمة "بتاح حتب" (عن الهدوء في  
الجدال):

"إذا صادفت خصمًا يجادلُك وهو في منزلة  
أعلى منك، فاثن ذراعيك وانحنِ له، فليس  
هناك فائدة من معارضة القوي، بل إنَّ  
صمتك سيهزمه أكثر من كلامك".

الحكمة بلسان ستو مريم:

بقولك:

لو كان خصمك أعلى منك، بلاش تكون  
غشيم بالعكس اسكت خالص، وما تنساش  
إن السُّكات هيهزمه أكثر من الكلام.

## الفصل الثاني والستون

حكمة "آني" (عن احترام عتبة البيت):

"لا تجلس في مكان يجعلك تنظر إلى داخل بيت غيرك، وإذا دخلت بيتًا فلا تلتفت يمينًا ويسارًا، بل اجعل نظرك في موضع قدمك".

الحكمة بلسان ستو مريم:

بقولك:

ما تقعدش في مكان يكون كاشف للبيت اللي أنت قاعد قدامه، يعني بلاش تقعد قصاد الباب، ولما تكون ضيف احفظ أديك وخلي نظرك موضع قدمك.

## الفصل الثالث والستون

حكمة "أمينموبي" (عن بركة القليل):

"إنَّ رَغِيْفًا وَاحِدًا يَأْكُلُهُ الْمَرْءُ بِقَلْبٍ سَعِيدٍ،  
خَيْرٌ مِنْ كَنْوَزِ الدُّنْيَا كُلِّهَا إِذَا صَاحَبَهَا الْحَزَنُ  
وَالْهَمُّ".

الحكمة بلسان ستو مريم:

بقولك:

رَغِيْفٌ عَيْشٌ تَأْكُلُهُ وَأَنْتِ مَرْتَا حِ الْبَالِ أَحْسَنُ  
مَلْيُونِ مَرَّةً مِنْ كَنْوَزِ الدُّنْيَا الَّتِي تَجِيبُ لَكَ  
الْهَمَّ وَالْحَزْنَ.

## الفصل الرابع والستون

حكمة "بتاح حتب" (عن اختيار الرفيق):

"إذا أردت أن تعرف أخلاق رجل، فلا تسأل  
الناس عنه، بل انظر إلى من يصادق،  
فالمرء يُعرف بقريته".

الحكمة بلسان ستو مريم:

بقولك:

لو عايز تعرف أخلاق حد، بلاش تسأل  
الناس عليه، لأ، راقب سلوكه وتصرفاته،  
وما تتساش تشوفه مصاحب مين؟

## الفصل الخامس والستون

حكمة "آني" (عن الوفاء بالدين):

"إذا استلفت شيئاً فرده لصاحبه في مواعده،  
ولا تجعله يطالبك به أمام الناس، فإنّ ضياع  
الأمانة يسقط المهابة".

الحكمة بلسان ستو مريم:

بقولك:

لما تستلف حاجة من حد وتحدد له ميعاد،  
التزم بالميعاد دا وبلاش توصله للمطالبة  
بحقه قصاد الناس، وما تنساش لو ثقته فيك  
اتهزت مش هيامن لك تاني وهتسقط من  
نظره.

## الفصل السادس والستون

حكمة "أمينموبي" (عن التواضع مع  
الضعفاء):

"لا تضحك من رجل أعمى، ولا تسخر من  
قزم، ولا تعيق طريق من فقد عقله، فإنّ الله  
هو الذي خلق الجميع".

الحكمة بلسان ستو مريم:

بقولك:

اوعاك يا واد عمي تسخر من خلقة حد، ولا  
تعايره بحاجة مالوش دخل فيها، وما  
تنساش إن كنا خلق الله فبلاش تسخر من  
حد وأنت مخلوق زيك زيه.

## الفصل السابع والستون

حكمة "بتاح حطب" (عن الرزانة في الكلام):

"الرجل الحكيم يُعرف بصمته، فإذا تكلم كانت كلماته كالجواهر، لا تخرج إلا في وقتها وبقدر حاجتها".

الحكمة بلسان ستو مريم:

بقولك:

خأيك حكيم، وما تنطقش الكلام قبل ما تفكر فيه، وما تنساش بصمة الحكيم بتبان في كلامه وبتدل على عقله وحكمته.

## الفصل الثامن والستون

حكمة "آني" (عن طاعة الوالدين):

"إنّ الابن الذي يستمع لنصيحة أبيه كمن  
يبنى حصناً لنفسه، والبركة تسكن بيت من  
يُكرم شبيهة أبويه".

الحكمة بلسان ستو مريم:

بقولك:

الابن اللي بيسمع لأبوه، دا ابن ذكي مش  
بس بار بوالده، دا بيبنى لنفسه حصن  
منيح، وما تنساش البيت اللي بتكرم فيه  
شبيهة الوالدين بتملاه البركة.

## الفصل التاسع والستون

حكمة "أمينمـوبي" (عن الصبر على  
الرزق):

"لا تشغل بالك بما في يد غيرك، واعمل في  
حقلك بصبر، فإن النيل يفيض في مواعده،  
والرزق لا يأتي قبل أوانه".

الحكمة بلسان ستو مريم:

بقولك:

ما تشغلش بالك باللي في إيد غيرك، اشتغل  
على نفسك بجد وصبر، وركز في ورقتك،  
وما تنساش إن النيل بيفيض في ميعاده،  
والرزق ما بيغيش قبل أوانه.

## الفصل السبعون

حكمة "بتاح حتب" (عن القائد الرحيم):

"إذا كنت في منصب قيادي، فاجعل أذنيك صاغية لكل من يشتكي إليك، حتى لو لم تستطع حل مشكلته، فإنّ سماعك له يريح قلبه".

الحكمة بلسان ستو مريم:

بقولك:

لما تكون في منصب قيادي، ويجيئك حد يشتكي اسمع منه بتركيز حتى لو مش هتحل له مشكلته، مجرد سماعك ليه بيريح قلبه

## الخاتمة

وكدا يا أبطال، بنقفل بوابات السرداب  
النهارده، بس الحكمة اللي خدتوها  
ما بتتقلش عليها أبواب.

أنا واثقة إنكم دلوقتي بقيتوا شايفين الدنيا  
بمنظور مختلف، ومنظور "فرعوني أصيل"  
بجد. الهدف مش إننا نقرأ ونخلص، الهدف  
إننا نعيش "مستورين" زي ما أجدادنا  
أرادوا لنا.

تذكروا دايماً إنكم ولاد حضارة مفيش زيها،  
وإن لسانكم وقراراتكم هما اللي بيبنوا  
سردابكم الخاص.

الكتاب دا ليكم وبدعمكم، والرحلة لسه فيها  
سراديب كتير محتاجة تفتح.

أشوفكم دائماً ناجحين، بروفيسورات في  
مجالاتكم، وفخوريين بأصاكنم.. ونتقابل في

الحكاية الجاية!

تمت بحمد الله

ستو مريم

هذا الكتاب مزود بخاصية الفهرسة  
الذكية؛ يمكنك الانتقال لأي درس  
فورًا عبر الضغط على قائمة  
العناوين الجانبية في قارئ الـ pdf.